



UNIVERSITÄTS-
BIBLIOTHEK
PADERBORN

Officia Propria Ecclesiae Et Dioecesis Paderbornensis

**Asseburg, Wilhelm Anton von der
Paderbornae, 1764**

XXVIII. Adventus Reliquiarum S. Liborii Ep. & Conf. Dupl.

[urn:nbn:de:hbz:466:1-62764](#)

Die XXVIII. Maii.

ADVENTUS RELIQUIARUM
S. LIBORII EP. CONFESS.

Duplex.

Omnia de communi Confessoris Pontificis præter propria in Hymn. Meruit supremos.

Oratio.

Deus, qui populo tuo æternæ salutis Beatum Liborium ministrum tribuisti, præsta quæsumus: ut, quem Doctorem vitæ habuimus in terris, intercessorem habere mereamur in cœlis. Per Dominum.

Lectiones I. Nocturni, de Scriptura.

IN II. NOCTURNO.

Lectio IV.

Legati Baduradi Episcopi Ceno-
mano ad Ecclesiam suam rever-
suri; ingressi Saxoniam, præ nimiâ
sibi turbâ obviante, vix gradum mo-
vere poterant: totis tamen nisibus
iter accelerantes tandem die tertio,
quinto Kalendarum Juniarum, quâ

P. Aëstival.

I

tunc

tunc sacrâ Pentecostes solemnitas agebatur, ad desideratam diu Paderbornensem Ecclesiam pervenerunt. A quâ cùm adhuc tribus miliaribus distarent, ob immensam multitudinem, quæ sequi non poterat, in medio campo Missarum celebraverunt solemnia. Verùm antequam ea finirentur in eodem loco quinque pariter homines à variis debilitatibus liberati causam immensæ admirationis & lætitiae, tantam Dei virtutem videnti populo, præbuerunt. Insuper eâdem horâ in ipsâ Ecclesiâ Paderbornensi puer quidam, de eâdem Parochiâ oriundus, qui à die nativitatis suæ surdus erat & mutus, ibidem auditum pariter percipere meruit & loquela. Agebat hoc nimirum divina potestas & dispensatio, ut in die adventûs ipsius tot signa coruscantia indicio essent eum-

cumdem locum ad hoc fuisse cœlitùs
electum, ut tanti Confessoris cor-
pore illustraretur.

R. Inveni David.

Lætio V.

Quod cùm innumeris undique
stipatum turbis Urbi appropin-
quare coepisset, Clerus omnis cum
universis Ecclesiastici cultūs orna-
mentis processit ei obviam sequente
populo, qui vel de longinquo ve-
nerat, vel qui ex eodem Oppido &
vicinis locis illuc ad audienda Mil-
sarum solemnia in tantâ festivitate
fuerat congregatus. Cùmque sibi
non parvo ab Oppido intervallo u-
térque populus sequentium videlicet
venerabile corpus, atque excipien-
tium obviasset, hi qui occurrerunt,
ter solo prostrati sumimâ illud cum
veneratione susceperunt. Cumque
Clerus in Hymnis & Confessionibus
Deum benediceret, & spiritualium

carminum melodiam sanctorum laudi concineret congruam , populus verò Kyrie eleyon ingeminaret, cum ineffabili jubilo erectis ad Deum mentibus singulorum nihil ejus laude dulcius videbatur ; ita ut in hujus vitæ exilio similitudinem quan- dam beatitudinis , quæ in Patriâ speratur, prægustasse viderentur.

R. Posui adjutorium.

Lectio VI.

Tali quoque magno honore sa-
cratissimum corpus in Ecclesiâ
Paderbornensi delatum ; & in illo,
quo haec tenus requiescit, colloca-
tum est loco, ubi magnis postmo-
dum miraculis effulsit, variaque sa-
nitatum dona præsttit, sunt autem
tam magna & sacratissima pignora
in dictâ Ecclesiâ præcipue, non im-
merito dignis laudibus & honoribus
extollenda. Nam in ejus Transla-
tione bonæ memoriae Aldricus, Ce-
noma.

nomanicæ urbis Antistes ad se vocatis nuntiis sive missis, tunc Paderbornensis Episcopi Baduradi, pretiosissima pignora coram omni Clero & populo commendavit, sub obtestatione gravissimâ: ut cum digno semper honore tractarent; nec eis unquam omnis reverentia cultûs Ecclesiastici à quolibet Episcopo Paderbornensi & Clero suo quolibet tempore subtraheretur. Dehinc per eumdem Aldricum inter utriusque Ecclesiæ, Cenomanicæ videlicet & præfatæ Paderbornensis, congregations firmata est fraternitas perpetuæ charitatis.

R. Iste est, qui ante Deum.

IN III. NOCTURNO.

*Hom. in Evang. Homo peregrè. de
com. Conf. Pont.*

*Missa. Statuit. Oratio: Deus,
qui populo. ut suprà.*